

Sedia platform untuk atlet

KUALA TERENGGANU - Universiti Sultan Zainal Abidin (UniSZA) bakal membuka peluang kepada atlet di negeri ini menyambung pengajian dalam bidang sukan menerusi program baharu di bawah Fakulti Sains Sosial Gunaan di kampus induk universiti itu di Gong Badak bermula tahun depan.

Pengarah Pusat Pembangunan Holistik Pelajar UniSZA, Prof Madya Dr Mohamad Razali Abdullah berkata, program yang akan diperkenalkan itu melibatkan pengajian sukan dan rekreasi pada peringkat Ijazah Sarjana Muda.

Menurutnya, buat masa ini pihaknya masih menunggu kelulusan dari Kementerian Pengajian Tinggi dan memorandum persefahaman (MoU) dengan Majlis sukan Negeri Terengganu (MSNT) secara tidak langsung akan memudahkan usaha melaksanakan program tersebut.

"Insya-ALLAH jika semuanya berjalan lancar, pengambilan pelajar mungkin bermula tahun depan dengan kuota 60 pelajar pada peringkat permulaan dan keutamaan diberikan kepada atlet negeri.

"Bagaimanapun pelajar perlu menuhi kriteria kemasukan pelajar se-



Ibni Amin (kiri) menyerahkan MoU antara MSNT dan UniSZA kepada Nik Wan sambil disaksikan Ahmad Razif serta Rozi di Taman Tamadun Islam, kelmarin.

bagaimana kebiasaan dengan kelulusan minimum selain mengambil kira pengalaman mereka dalam bidang sukan dan sebagainya," katanya.

Beliau berkata demikian ketika di temui selepas Majlis Menandatangani MoU antara UniSZA diwakili Timbalan Naib Canselor, Prof Dr Nik Wan Omar dan MSNT diwakili pengaruhnya, Ibni Amin Busu dengan disaksikan Menteri Besar, Ahmad Razif Abd Rahman dan Pengerusi Jawatankuasa Belia, Sukan dan Sumber Manusia, Datuk

Roz Mamat.

Dalam pada itu, Mohamad Razali berkata, program pengajian sukan dan rekreasi sekali gus dapat membantu atlet negeri ini untuk terus berada di Terengganu dalam melanjutkan pengajian dalam bidang sukan.

Tambahnya, selain pengajian dalam bidang sukan, UniSZA turut menawarkan program berkaitan menerusi Fakulti Sains Kesihatan yang lebih menjurus kepada aspek pemakanan, fisioterapi dan kecergasan bagi memberi nilai tambah kepada atlet.